

松陽縣志卷四

學校志

聖訓 學宮 位次 禮儀 附陳設 新制  
宦鄉 四祠 書院 附學田 鄉飲賓興

學校之制由來舊矣禮教於是乎興人才於是乎出唐虞三代之隆其著於書冊者章章可考自是而後莫之能易也迨至前清重道崇儒右文稽古與唐虞比隆是以山陬僻壤莫不戶誦家絃松雖蕞爾一邑而宮墻數仞巍煥昭焉爰錄御製訓飭士子文於簡端垂萬世之楷模肅儒林之瞻仰凡置身膠序者欣逢斯世自宜飭躬砥行共相勉勵以仰副作人之雅化爾今雖科舉停廢學校改章而學宮猶在聖教仍尊所有從前規制及御製訓辭有關風教者依舊錄刊以資參考而藉觀摩初何新學舊學之分哉

松陽縣志

卷四

學校

聖訓

一

志學校

學校志一

聖訓

清順治九年命禮部因明舊制復刊卧碑文於學宮之右以示生員文曰朝廷建立學校選取生員免其丁糧厚其廩膳設學院學道學官以教之各衙門官以禮相待全要養成賢才以供朝廷之用諸生皆當以上報國恩下立人品所有教條開列於後

一生員之家父母賢智者子當受教父母愚魯或有非為

者子既讀書明理當再三懇告使父母不陷於危亡  
一生員立志當學爲忠臣清官書史所載忠清事蹟務須  
互相講究凡利國愛民之事更宜留心

一生員居心忠厚正直讀書方有實用出仕必作良吏若  
心術邪刻讀書必無成就爲官必取過患行害人之事  
者徃徃自殺其身常宜思省

一生員不可干求官長交結勢要希圖進身若果心善德  
全上天知之必加以福

一生員當愛身忍性凡有司官衙門不可輕入卽有切己  
之事止許家人代告不許干與他人詞訟他人亦不許

松陽縣志

卷四

學校

聖訓

二

牽連生員作證

爲學當尊敬先生若講說皆須誠心聽受如有未明從  
容再問毋妄行辨難爲師者亦當盡心教訓勿致怠惰  
一軍民一切利病不許生員上書陳言如有一言建白以  
違制論黜革治罪

一生員不許糾黨多人立盟結社把持官府武斷鄉曲所  
作文字不許妄行刊刻違者聽提調官治罪

康熙九年頒上諭十六條每月朔望有司偕紳衿齊集明  
倫堂及軍民人等俱聽宣講

一敦孝弟以重人倫

一篤宗族以昭雍睦

- 一和鄉黨以息爭訟
- 一重農桑以足衣食
- 一尚節儉以惜財用
- 一隆學校以端士習
- 一點異端以崇正學
- 一講法律以儆愚頑
- 一明禮讓以厚風俗
- 一務本業以定民志
- 一訓子弟以禁非爲
- 一息誣告以全良善
- 一戒窩逃以免株連
- 一完錢糧以省催科
- 一聯保甲以弭盜賊
- 一解讎忿以重身命

康熙三十五年二月御製至聖先師孔子贊并序

蓋自三才建而天地不居其功一中傳而聖人代宣其蘊  
有行道之聖得位以宣猷有明道之聖立言以垂憲此正

松陽縣志

卷四

學校

聖訓

三

學所以常明人心所以不泯也粵稽往緒仰溯前徽堯舜  
禹湯文武達而在上兼君師之寄行道之聖人也孔子不  
得位窮而在下秉刪述之權明道之聖人也行道者勳業  
炳於一朝明道者教思周於百世堯舜文武之後不有孔  
子則學術紛淆仁義湮塞斯道之失傳也久矣後之人而  
欲探二帝三王之心法以爲治國平天下之準其奚所取  
衷焉然則孔子之爲萬世一人也審矣朕巡省東國謁祀  
闕里景仰滋深敬摛筆而爲之贊曰

清濁有氣剛柔有質聖人參之人極以立行著習察舍道  
莫由惟皇建極惟后綏猷作君作師垂法萬古曰惟堯舜

禹湯文武五百餘歲至聖挺生金聲玉振集厥大成序書  
刪詩定禮正樂既窮象繫亦嚴筆削上紹往聖下示來型  
道不終晦秩然大經百家紛紛殊塗異趣日月無踰羹墻  
可晤孔子之道惟中與庸此心此理千聖所同孔子之德  
仁義中正秉彝之好根本天性庶幾夙夜勗哉令圖溯彼  
洙泗景躅唐虞載厯庭除式觀禮器摛毫仰贊心焉遐企  
百世而上以聖爲歸百世而下以聖爲師非師夫子惟師  
於道統天垂世惟道爲寶泰山巖巖東海洋宮墻萬仞  
夫子之堂孰窺其藩孰窺其徑道不遠人克念作聖

御製四賢贊

松陽縣志

卷四

學校

聖訓

四

顏子贊

聖道早聞天資獨粹約禮博文不遷不貳一善服膺萬德  
來萃能一而齊其樂一致禮樂四代治法兼備用舍行藏  
王佐之器

曾子贊

洙泗之傳魯以得之一貫曰唯聖學在茲明德新明止善  
爲期格致誠正均平以推至德要道百行所基纂修統緒  
修明訓詞

子思子贊

於穆天命道之大原靜養動察庸德庸言以育萬物以贊

乾坤九經三重大法是存篤恭慎獨成德之門卷之藏密  
拓之無垠

孟子贊

哲人既萎楊墨昌熾子輿闢之曰仁與義性善獨闡知言  
養氣道稱堯舜學屏功利煌煌七篇並垂六藝孔學攸傳  
禹切作配

康熙四十一年御製訓飭士子文頒行學宮

國家建立學校原以興行教化作育人才典至渥也朕臨  
馭以來隆重師儒加意庠序近復慎簡學使釐剔弊端務  
期風教修明賢才蔚起庶幾棫樸作人之意乃比來士習

松陽縣志

卷四

學校

聖訓

五

未端儒教罕著雖因內外臣工奉行未能盡善亦由爾諸  
生積錮已久猝難改易之故也茲特親著訓言再加警惕  
爾諸生其敬聽之從來學者先立品行次及文學學術事  
功原委有序爾諸生幼聞庭訓長列宮墻朝夕誦讀甯無  
講究必也躬修實踐砥礪廉隅敦孝順以事親秉忠貞以  
立志窮經考義勿雜荒經之談取友親師悉化驕盈之氣  
文章歸於醇雅勿事浮華軌度式於準繩最防蕩軼子矜  
佻達自昔所譏苟行止有虧雖讀書何益若夫宅心弗淑  
行止多愆或蜚語流言脅制官長或隱糧包訟出入公門  
或唆撥奸猾欺孤凌弱或招呼朋類結社要盟乃如之人

名教不容鄉黨弗齒縱倖脫褫撲濫竊章縫返之於衷能無愧乎况乎鄉會科名乃掄才大典關係尤鉅士子果有眞才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且天士子出身之始尤貴以正若茲厥初拜獻已作姦犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反覆惓惓茲諭言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾

祖父亦增光寵矣逢時得志甯俟他求哉若乃視爲具文玩愒弗儆毀方躍冶暴棄自甘王章具在朕不能爲爾等寬矣自茲以往內而國家外而直省鄉校凡學臣師長皆有司鐸之責者並宜傳集諸生多方董勸以副朕懷否則職業不修咎亦難逭勿謂朕言之不預也其敬聽之

雍正三年覆准士子誦習必早聞正論德性堅定將聖諭廣訓萬言諭御製朋黨諭頒發各省學政刊刻印刷齎送各學令司鐸之員朔望宣誦

雍正四年九月二十九日奉上諭爲士者乃四民之首一方之望凡屬編氓皆尊之奉之以爲讀聖賢之書列膠庠

之選其所言所行俱可以爲鄉人法則也故必敦品勵學  
謹言慎行不愧端人正士然後以聖賢詩書之道開示愚  
民則民必聽從其言服習其教相率而歸於謹厚或小民  
偶有不善之事卽懷愧耻之心相戒勿令某人知之如古  
人之往事則民風何患不純世道何患不復古耶朕觀今  
日之士雖不乏閉戶勤修讀書立品之輩而蕩檢踰閑不  
顧名節者亦復不少或出入官署包攬詞訟或武斷鄉曲  
欺壓貧民或逋抗錢糧藐視國法或代民納課私潤身家  
種種卑污下賤之事難以悉數彼爲民者見士子誦讀聖  
賢之書而行止尙且如此則必薄待讀書之人而且輕視

聖賢之書矣士習不端民風何由而正其間關係極爲重  
大朕自卽位以來加恩學校培養人材所以教育士予者  
無所不至宜乎天下之士皆鼓舞奮興爭自濯磨盡去其  
佻達之習矣而內外諸臣條奏中臚列諸生之劣蹟請行  
嚴懲者甚多朕思轉移化導之法當先端其本原教官者  
多士之儀型也學臣者教官之表率也學官多屬中材又  
或年齒衰邁貪位竊祿與士子爲朋儔視考課爲故套而  
學臣又但以衡文爲事任教官之因循怠惰苟且塞責漫  
不加察所以倡率之本不立無怪乎士習之不端而風俗  
之未純也朕孜孜圖治欲四海之大萬民之衆皆向風而

慕義革薄而從忠故特簡督學之臣慎重教官之職欲使  
自上而下端本澄源以收實效也凡爲學臣者務須持正  
秉公宣揚風化於教官之稱職者卽加薦拔溺職者卽行  
叅革爲教官者誨訓士子悉秉誠心如父兄之督課子弟  
至於分別優劣則至公至當不涉偏私如此各盡其道則  
士子人人崇尚品誼砥礪廉隅且不但自淑其身而羣黎  
百姓日聞善言日覩善行以生其感發之念風俗之不變  
庶幾其可望也特諭欽此務宜欽遵

乾隆五年十一月奉上諭從來爲治之道不外教養兩端  
然必衣食足而後禮義充故論治者徃徃先養後教朕御

極以來日爲斯民籌衣食之源水旱之備所期薄海蒸黎  
蓋藏充裕俯仰有資以爲施教之地而解愠阜財之效尙  
未克副朕懷第思維皇降衷有物有則衣食以養其形教  
化以復其性二者相成而不相妨不容偏廢正如爲學之  
道知先行後然後知行並進非劃然兩時判然兩事又安  
得謂養之道未裕遂可置教化爲緩圖也今學校徧天  
下山陬海澨之人無不挾詩書而遊庠序顧學者徒以文  
藝弋科名官師以課試爲職業於學問根本切實用功所  
在概未暇及司牧者盡心於簿書筐篋或進諸生而譚舉  
藝則以爲作養人材振興文教其於閭閻小民則謂是蚩



蚩者不足與興教化平時不加訓迪及陷於罪則執法以繩之無怪乎習俗之不純而詬誶囂凌之不能禁止也朱子云聖人教人大概只是說孝弟忠信日用當行的話人能就上面做將去則心之放者自收性之昏者自明此言深探立教本源至爲切實蓋心性雖民之秉彝而心爲物誘則放性爲欲累則昏存心養性非知道者不足與幾若夫事親從兄則家庭日用人人共由孩提知愛少長知敬又人人同具不待勉強要之堯舜之道不外乎是卽如得一食必先以食父母得一衣必以衣父母此卽是孝能推是心而凡所以順其親者無不至則爲孝子父之齒隨行

兄之齒雁行此卽是悌能推是心而凡所以敬其長者無不至則爲悌弟一人如此人人從而效焉一家如此一鄉從而效焉則爲善俗孟子曰人倫明於上小民親於下又曰人人親其親長其長而天下平由是道也惟在上者不爲提撕警覺則習而不察而一時之明不勝夫積習之染重昏錮蔽日入於禽獸而不自知任君師之責者奚忍不爲之重申而切諭之也我聖祖仁皇帝頒聖諭以教士民首崇孝悌皇考世宗憲皇帝衍爲廣訓徃復周詳已無遺蘊但朔望宣講祇屬具文口耳傳述未能領會不知國家教人字字要人躬行實踐樸實做去人倫日用正是聖賢

學問至切要處堯舜之世比戶可封只是能盡孝悌放僻邪侈觸陷法網只爲不知孝悌記曰將爲善思貽父母令名必果將爲不善思貽父母惡名必不果誠能如此存心豈復有縱欲妄行之事苟不從此處切實做起雖誦讀詩書高談性命直謂之不學可耳凡有牧民課士之責者隨時隨事切實訓誨有一事之近於孝悌則從而獎勵之一事之近於不孝不悌則從而懲戒之平時則爲之開導遇事則爲之剖晰如此則親切而易入將見父詔兄勉日積月累天良勃發率其良知良能以充孝弟之實藹然有恩秩然有義豫順積於家庭太和翔於宇宙親遜成風必從此始凡吾赤子其敬聽諸凡諸司牧其敬奉諸

乾隆二十四年奉上諭前因磨勘順天等鄉試卷其中字句紕繆者不一而足甚至不成文義如飲君心於江海之語於文風士習殊有關係已降旨宣諭中外俾衡文作文者知所警惕第念別裁僞體以端風尚固在考官臨時甄拔功名而平時之造就漸摩使士子皆知從實黜浮不墮揣摩擗搯惡習則學政責任尤重鄉會兩試乃士子進身階梯而學臣於三年之前歲科考校評隲甲乙者此日之生童即可爲他日舉人進士所云正本清源舍是無由也爲學政者果能以清真雅正爲宗一切好尚奇詭之徒無

從倖售文章自歸純正否則素日趨向紛歧一當大比爲試官者鑠闡校拔不過就文論文又何從激勸而懲創之且學政按臨謁廟講書原與士子相見非考官易書糊名暗中摸索者比文字一道人品心術卽於此見端自應隨時訓勵整頓務去佻巧僻澀之澆風將能爲清真雅正之文而其人亦可望爲純茂端謹之士由此賢書釋褐足備國家任使斯士子無負科名而學臣亦不負衡文之任但不得因有是旨徒以字句疵類易爲磨勘指摘遂專取貌似先正之文於傳註無所發明相率而歸於空疎淺陋此又所謂矯枉過正救弊適足以滋弊一經朕鑒察亦惟於

該學政是問今歲正學政受代之始諸臣皆朕特簡各宜勉副興賢育才至意著將此旨錄於學政公署並各府州縣學明倫堂用資觸目驚心而凡我多士亦皆得審所就範朕實有厚望焉欽此

雍正五年三月二十四日禮部奏會試舉人叨荷特恩合詞陳謝奉上諭朕視天下萬民皆爲一體况讀書鄉薦之人異日俱可作朕股肱耳目是以朕心待之實有一體聯屬之意愛養培護卽如自厚其身此皆出於心中之自然非欲邀天下士子之感頌也今舉子等以會試叨荷特恩合詞陳謝是尙不能深悉朕一體相關之意而存上下彼

此之形迹矣朕待天下惟有一誠而崇儒重道之心尤爲篤切但所崇者皆真儒所重者皆正道若徒尙虛文邀取名譽致貽世道人心之害朕不忍爲也爾等讀書之人實斯民之所觀瞻風俗之所維繫果能誦法聖賢躬脩實踐宅心正直行己端方則通籍於朝必能爲國家宣猷樹績膺棟梁選卽退處鄉閭亦必能教孝勸忠爲衆人之坊表故士習旣端而人心尙有不正風俗尙有不純者無是理也爾等旣感朕恩卽當仰體朕心恪遵朕訓爭自濯磨或出或處皆端人正士爲國家所倚賴如此方爲實心報效不在感恩奏謝之儀文也欽此

松陽縣志

卷四

學校

聖訓

十二

御書萬世師表匾式康熙二十五年頒

御書生民未有匾式雍正四年頒

御書與天地參匾式乾隆十五年頒

御書聖集大成匾式嘉慶元年頒

御書聖協時中匾式道光元年頒

御書德齊幬載匾式咸豐元年頒

御書聖神天縱匾式同治三年頒

御書斯文在茲匾式光緒三年頒

御書中和位育匾式宣統三年頒

以上舊志

謹案前清御賜書籍今已無存舊志書籍一目故刪之

學校志二

學宮

儒學

在縣治東南百步

初學建於唐武德四年宋宣和三年燬建

炎時知縣徐彭年重建唐閱繼葺紹興間王淑茅密增

修

邑人吳祇若記載藝文

乾道紹定淳祐間知縣劉唐褒王圭高

彭更相修飾元元貞二年赤蓋顯忠撤舊更新至大四

年主簿王友從增修明正統三年教諭錢謚建奎文閣

吳郡張規記載藝文

舊有尊經閣及奎文青雲二坊諸生號舍並

廢嘉靖十三年知縣林璧建啓聖祠三十七年知縣黃

美中於明倫堂左建博文齋隆慶四年知縣李基於明

松陽縣志

卷四

學校

學宮

十三

倫堂右建約禮齋萬歷十年知縣張賽改建於東南郭

外三十一年知縣劉幹正復遷舊址

郡守鄭懷魁記載藝文

崇禎

二年通判署縣事許有寰重修知縣楊應華董成之

郡人

王一中記載藝文

五年知縣楊應華建啓聖祠文昌閣

烏程溫仁記

十七年知縣張建高重建尊經閣清康熙十八年

知縣張景留捐俸重修三十八年義民阮尚恭捐資建

訓導宅四十年知縣武方蔚教諭朱錫吉訓導高重邑

人丁正乾丁正中丁振世劉符升丁兆先葉金枝等公

捐重修明倫堂五十四年署松陽縣蕭山縣縣丞傅之

誼教諭朱錫吉訓導范邦達等重修乾隆十九年知縣

黃槐教諭王玉生訓導陳集英倡捐重修合邑紳士公

捐協修二十五年邑人楊友宗張文賢鄭日會賴肇基

劉亮高捐建教諭宅三十二年教諭胡雲昂又捐俸添

造外堂三間顏曰約禮齋因隆慶時知縣李基建約禮齋於明倫堂之右故仍其名

三十三年知縣曹立身教諭胡雲昂訓導朱篆典史郭

尚質等倡捐重修合邑公捐協修自殿廡各祠宇以及

明倫堂尊經閣及左右號舍四圍墻垣煥然有加焉

文廟正中為大成殿東西列兩廡前為戟門又前為泮池

跨以石橋又前為櫺星門戟門之東為名宦祠為昌文

祠即土西為鄉賢祠為景賢祠崇禎六年建初名三賢祠後改名四賢祠順治

松陽縣志

卷四 學校

學宮

十四

十年改今額雍正九年教諭許惟權重修乾隆三十三年教諭胡雲昂重修 櫺星門之東為

儒學門門內有青雲路殿後為明倫堂堂東號舍七間

西號舍九間西為教諭宅舊無宅居尊經閣乾隆二十

宗等捐金於西號舍內基地建宅七間 堂後為尊經閣

閣後為崇聖祠雍正十二年知縣楊國琦重修乾隆 青雲路

之東有空地昔為射圃蘇伯衡記 射圃之南為萬仞坊

雍正十年知縣孫翼建 為省牲所乾隆二十年教諭王玉生訓導陳集英重修

為訓導宅乾隆二十年教諭王玉生訓導陳集英重修

建外堂五間乾隆三十三年教諭胡雲昂訓導朱篆改

號舍西出因初嘉靖時知縣黃美中建博 儒學門東為

文齋於明倫堂之左亦以博文顏其額

文昌閣儒學門東西班房各一間又門東屋一間內設  
紙爐收焚字紙

道光十五年邑庠生葉以成獨捐重建大成殿東西兩廡

二門泮池櫺星門并左右土地祠名宦景賢鄉賢各祠

及四圍牆垣費款肆萬金有奇

有記入  
藝文

道光二十五年貢生葉文蔚捐建明倫堂

道光二十五年監生蔡懋烈捐建尊經閣遂移崇聖祠於

明倫堂之後

道光十七年邑紳士勸捐修造兩學署

同治十一年知縣支恒椿籌款建復教諭署十二年籌款

松陽縣志

卷四

學校

學宮

十五

建復訓導署

同治十一年例貢生闕鳳誥捐修殿廡及二門泮池櫺星

門併四圍牆垣

以上  
舊志

中華民國二年縣知事胡耀南以獨立後營勇盤踞聖廟

蹂躪不堪撥公款洋壹百元令自治委員程棻修理

民國六年縣知事錢世昌奉祀官高煥然倡捐大修孔教

會幹事員潘春鰲協力監修費款千餘金自殿廡以及

四祠暨內外牆垣一律重新並加高照牆書宮牆萬仞

四大字以資瞻仰又於泮池前後栽種花木青雲路兩

旁扞插桃柳朝夕拈香灑埽灌蒔至今弗懈氣象光潔

供奉致誠爲從來所未有

詩記並  
載藝文

孔廟歲修田 由教諭鈕福安訓導徐士駢捐置官塘門  
伍子胥殿後田貳畝額貳畝伍分徐姓墳後田壹畝額  
壹畝張姓社公前田貳畝額柒分伍釐又由徐訓導捐  
置丁山頭陽頭弄田叁畝額壹畝伍分青山邊田肆畝  
額貳畝伍分共田捌畝貳分伍釐計租拾壹担以爲歲  
修殿廡之資前擇殷實生員經管今由縣署批令奉祀  
官收管以便隨時修理惟須逐年報銷存案

孔教會 自民國改元昌言廢孔吾黨憂之先由粵東陳  
煥章太史發起勸設全國孔教總會旋由吾浙姚丙然

松陽縣志

卷四

學校

學宮

十六

太史續設杭州支會吾松踵而行之由葉樹蓮等發起  
遵照總會章程公舉高煥然爲正會長包庭芝爲副會  
長共集會員三百餘人由劉可培潘春鰲各助百金暨  
各會友劇資增設養正學塾修理殿廡購置田產歲辦  
慶祝大會 又附設元宵會共三十餘人劇金置產辦  
祭與孔聖共賞元宵默寓宗守夏正之意 用  
倡聖教冀垂久遠一切會務咸由幹事潘春鰲竭力主  
持不辭勞怨十餘年如一日復於民國六年由會長高  
煥然備價贖回明倫堂左側園墻外舊訓導署後園基  
地一直永歸孔教會管理仍爲學宮範圍以內之地不  
得私擅變賣及被人侵佔開放門路等事存縣有案永



遠保守庶免外人覬覦之心旋由各會員集貲以所贖  
基地仿照總會章程建造孔教會堂已鳩工庇材矣

孔廟奉祀官 民國五年由國會會議每縣設立孔廟奉

祀官一員其薪俸未定以前由地方先籌津貼夫馬自  
貳百元起至伍百元爲限呈請 大總統批准通令有

案本邑公舉高煥然爲松陽孔廟奉祀官呈由余知事  
轉呈浙江省長批准復由錢知事呈請以舊撥蓮城書  
院學租所遺洋坑源田租洋陸拾餘元暨朱子祝教會

田拍出貳拾畝及舊魏公祠田貳畝伍分

先因魏公祠  
毀廢以魏公

附祀景賢祠此田卽歸儒  
學收理辦祭今仍其舊 又學宮範圍界內屋租園租

松陽縣志

卷四

學校

學宮

十七

地租貳拾餘元均歸奉祀執管經收以爲津貼夫馬及  
辦祭香燈之需並須責成該奉祀官將以上產業地址  
謹慎保守弗稍徇失俾垂久遠而崇聖祀迭呈上憲批  
准各存案復奉錢知事核准以射圃空地建造奉祀官  
公署先於射圃大門豎立一匾俟籌有的款興工建築  
以爲辦公之所

謹查聖宮右側射圃以民牆爲圍牆光緒年間由李祥  
松方聯奎等與何國雨涉訟奉學憲祁批飭縣憲范勸  
明斷定毗連射圃一帶民牆祇許滴水不許開放窗門  
及門路等事詳報有案因特附記以免後患

學校志三

殿廡位次

大成殿正位

至聖先師孔子神位

周敬王四十一年魯哀公誅稱尼父漢平帝追諡褒成  
 宣尼父 東漢和帝封褒尊侯 後魏孝文帝諡文宣  
 尼父 後周靜帝封鄒國公 隋文帝贈先師尼父  
 唐高祖尊為先師 太宗升為先聖後又尊為宣尼父  
 高宗贈太師後又封隆道公 元宗詔諡文宣王南向  
 被王者之服 宋真宗加諡至聖文宣王 元成宗稱  
 大成 文宗武宗稱大成至聖文宣王 明世宗稱至  
 聖先師 清順治二年加稱大成至聖文宣王先師十  
 七年改稱至聖先師

四配

復聖顏子 名回 字子淵魯人天資明睿甫成童即潛心聖  
 學以德行稱年三十二卒魏正始七年配唐真觀中稱  
 先師開元中稱亞聖唐宋自太子少師太師充公累封  
 至兗國公元至順元年稱兗國復聖公明景泰三年置  
 博士

宗聖曾子 名參 字子輿魯南武城人資稟篤實天性至孝

孔子一貫之傳曾子能得其宗唐總章元年配開元八年列像十哲之末宋咸淳三年重配唐宋自太子少保太保郈伯瑕邱侯武城侯郈侯累封至郈國公元稱郈國宗聖公明嘉靖十八年置博士

述聖子思子

名伋

字子思孔子孫伯魚子數歲孔子没七

十子遂敬子思師事曾子宗聖祖之學作中庸言性道教得一貫之傳性善之論始此宋大觀二年從祀端平二年升十哲咸淳三年配封沂國公元稱沂國聖述公明宏治十八年置博士

亞聖孟子

名軻

字子輿鄒人戰國時世務縱橫孟子獨述

松陽縣志

卷四

學校

位次

十九

唐虞三代之德所如不合退與萬章之徒序詩書述仲尼之意作孟子七篇以詔來世宋元豐七年配明洪武五年罷六年復宋封鄒國公元稱鄒國公元稱鄒國亞聖公明景泰三年置博士宋政和五年詔孟子廟以樂正子配饗公孫丑等十七人從祀  
謹案四配去封爵但稱復聖等號定於嘉靖九年宋禮志四配之位居正位之東面西向而東西向不知始於何時宋崇甯三年以王安石配靖康元年降兩廡

東哲先賢六位

閔子

損

字子騫魯人事母至孝以德行稱唐贈費侯宋瑯

瑯公改費公康熙三十九年置博士

冉子<sup>雍</sup>字仲弓魯人伯牛之宗族厚重簡默以德行稱唐贈薛侯宋下邳公改薛公雍正二年置博士

端木子<sup>賜</sup>字子貢河南衛輝人以言語稱唐贈黎侯宋黎陽公改黎公康熙三十九年置博士

仲子<sup>由</sup>字子路一字季路魯卞人有勇力才藝以政事稱唐贈衛侯宋河南公改衛公明萬歷中置奉祀崇禎十六年置博士

卜子<sup>商</sup>字子夏衛人以文學稱何休謂孔子以春秋之說口授子夏子夏授公羊穀梁後並爲春秋作傳與左氏

松陽縣志

卷四

學校

位次

二十

爲三六經之學子夏之功爲大唐贈魏侯宋河南公改魏公康熙五十九年置博士

有子<sup>若</sup>字子有魯人強識好古明禮贊樂論語一書成於有子曾子之門人故二子獨以子稱唐贈卞伯宋平陰侯雍正二年置博士

西哲先賢六位

冉子<sup>耕</sup>字伯牛兗州人以德行稱有惡疾孔子歎其爲命唐贈鄆侯宋東平公改鄆公雍正二年置博士

宰子<sup>予</sup>字子我魯人以言語稱唐贈齊侯宋臨淄公改齊公

冉子<sup>求</sup>字子有仲弓之宗族性謙退有才藝以政事稱唐

贈徐侯宋彭城公改徐公

言子<sup>偃</sup>字子游吳人以文學稱爲武城宰以禮樂爲教唐

贈吳侯宋丹陽公改吳公康熙五十一年置博士

顓孫子<sup>師</sup>字子張陳人寬冲博雅才高意廣唐贈陳伯宋

宛邱侯改潁川侯又改陳公雍正二年置博士

朱子<sup>熹</sup>字元晦宋徽州婺源人徙居建陽之考亭少聞延

平李侗學得伊洛之正遂往從之爲學大要窮理致知

反躬實踐主於居敬記稱絕學以來集諸儒之大成發

先聖之秘蘊孟子而後一人明初詔先生書立於學宮

松陽縣志

卷四

學校

位次

二一

命學者皆宗之仕歷部郎提刑修撰待制漳州府江東  
轉運廣南經略荆湖安撫等官贈寶謨閣學士諡文宋  
封信國公改徽國元改齊國明景泰六年置建陽博士  
嘉靖二年置婺源博士宋淳祐元年從祀兩廡明崇禎  
十五年稱先賢列漢唐諸儒上清康熙五十一年升列  
哲位

謹案東魏興和三年雕塑聖容十子始旁侍唐開元八  
年增塑曾子於其次宋元豐七年顏子另坐乃以曾子  
足十哲之數端平二年復增子思咸淳三年曾子子思  
升四配乃增子張足十哲之數清康熙時升朱子於東

序之末乾隆三年又升有子乃移朱子於西定爲十二  
哲十哲位唐開元時已東西向

東廡先賢四十位

公孫子僑 字子產一字子美鄭穆公孫子國子咸豐七年  
從祀

林子放 字子邱魯人石室圖列入弟子內嘉靖九年改祀  
於鄉雍正二年復

原子憲 字子思商邱人禮檀弓稱仲憲清淨守節貧而樂  
道

南宮子适 字子容魯人史作括一名縉世清不廢世濁樂

松陽縣志

卷四

學校

位次

二二

汚孔子以兄子妻之

商子瞿 字子木曲阜人專好易孔子所繫之易傳傳之自  
商子始

漆雕子闕 字子若蔡人習尙書不樂仕一作啓字子開

司馬子耕 字子牛宋人向魑之弟一作犁耕

梁子鱣 字叔魚兗州人

冉子孺 字子魚魯人

伯子虔 字子皙魯人

冉子季 字子產魯人

漆雕子徒父 字子有魯人

漆雕子哆 字子歛魯人

公西子赤 字子華魯人篤雅有節嫻於禮樂

任子不齊 字子選楚人

公良子孺 字子正陳人賢而有勇

公肩子定 字子中魯人一作公子肩定字子仲

鄒子單 字子家聊城人家語無

罕父子黑 字子索魯人一作宰父黑

榮子旂 字子祺魯人

左人子鄆 字子行魯人

鄭子國 字子徒魯人

松陽縣志

卷四

學校

位次

一三三

原子亢 字子籍魯人

廉子潔 字子庸衛人

叔仲子會 字子期晉人

公西子輿如 字子上兗州人

邾子巽 字子歛魯人

陳子亢 字子禽陳人子車之兄史記無

琴子張 字子開一名牢字子張衛人以狂稱史記無

步叔子乘 字子車齊人

秦子非 字子之魯人

顏子噲 字子聲魯人以上自原子憲起俱唐開元時從祀

顏子何字子冉魯子明嘉靖九年罷清雍正二年復祀

縣子宣字子家魯人雍正二年祀

牧子皮魯人黃帝臣力牧之後與琴張曾皙爲友以狂稱

雍正二年祀

樂正子克齊人戰國時游說縱橫與萬章諸人奉孟子爲

依歸獨稱好學爲孟門弟子雍正二年祀

萬子章齊人孟廟四配政和中從祀孟廟雍正二年從祀

孔庭乾隆二十一年改稱先賢某子

周子敦頤字茂叔宋湖廣道州人少穎異自能默契道體

二程子從之學著通書太極圖說號濂溪先生蔡虛齋

松陽縣志

卷四

學校

位次

二四

稱濂溪爲宋之仲尼二程爲宋之顏閔累官至知南康

軍部郎賜諡元封汝南伯元加道國公宋淳祐元年從

祀崇禎十五年稱先賢景泰六年置博士

程子顥字伯淳宋河南洛陽人資性過人十五六歲時慨

然有求道之志著定性書與太極圖說相表裡先儒謂

孟子後得顥而道始明世稱明道先生官太子中允權

監察御史追諡純封河南伯元加豫國公宋淳祐元年

從祀明改先賢崇禎三年置博士

邵子雍字堯夫宋直隸涿州人爲學堅苦刻勵受易於李

之才探蹟索隱妙悟神契遂衍伏羲先天之學著皇極



經世等書具內聖外王之學兩舉遺逸授將作監補團  
練推官贈著作郎諡康節封新安伯咸淳三年從祀明  
改先賢崇禎三年置博士

西廡先賢三十九位

遽子環 字伯玉衛大夫以君子稱石室圖列入弟子內嘉  
靖九年改祀於鄉雍正年復

澹臺子滅明 字子羽魯武城人公正無私以取與去就然  
諾爲名

宓子不齊 字子賤魯人爲單父宰鳴琴而治  
公冶子長 字子長魯人能忍耻辱孔子以女妻之

松陽縣志

卷四

學校

位次

二五

公皙子哀 字季次齊人耻屈節爲人臣

高子柴 字子羔左作季羔禮檀弓作子臯齊人高奚十代  
孫篤孝有法知名於孔子之門

樊子須 字子遲魯人樊皮之後

商子澤 字子季魯人

巫馬子施 字子旂一名期陳人

顏子辛 字子柳魯人

曹子邴 字子循蔡人

公孫子龍 字子石衛人戰國時另一人

秦子商 字子丕魯人其父董父與孔子父叔梁公俱以力

聞

顏子高 字子驕魯人

壤駟子赤 字子徒秦人

石作子蜀 字子明秦人

公夏子首 字子乘魯人

后子處 字子里青州人

奚容子葳 字子皙衛人

顏子祖 字子襄魯人

句子井疆 字子界衛人

秦子祖 字子南秦人

松陽縣志

卷四

學校

位次

二六

縣子成 字子祺魯人

公祖子句茲 字子之魯人

燕子伋 字子思魯人

樂子歆 字子聲魯人

狄子黑 字子皙衛人

孔子忠 字子蔑孔子兄之子

公西子葳 字子上魯人

顏子之僕 字子叔魯人

施子之常 字子恒兗州人

申子楨 字子周史作黨家語作績一作蔡字子國魯人

以上自澹臺子起俱唐開元時從祀

左子邱明 中都人楚左史倚相之後受經於孔子著左傳

國語唐貞觀二十一年以經師從祀明嘉靖九年稱先

儒崇禎十五年改先賢

秦子冉 字子開蔡人嘉靖時罷雍正二年復

公明子儀 魯南武城人先爲子張弟子子張卒後爲曾子

弟子蓋卒業於曾子也咸豐三年從祀

公都子名無攷 孟子弟子雍正二年祀

公孫子丑 齊人孟子弟子雍正二年祀

張子載 字子厚宋陝西郿縣人嘗坐虎皮講易一日見二

松陽縣志

卷四

學校

位次

二七

程講易自以爲不及卽與論道學之要終日危坐一室  
仰讀俯思有得則識之其學以易爲宗以中庸爲體以  
孔孟爲法關中士人皆宗師之號橫渠先生著正蒙東  
西銘行於世程子言西銘理一而分殊與孟子性善養  
氣之論同功官崇文院檢書知太常禮院諡明封郿伯  
宋淳祐元年從祀明改先賢天啟二年置博士

程子頤 字正叔宋河南洛陽人讀書悉本於誠以論孟中  
庸爲標旨而達於六經動止語默以聖人爲師著易春  
秋傳得孔孟不傳之學生平誨人不倦號伊川先生官  
崇政殿說書追諡正封伊陽伯元加洛國公宋淳祐元

年從祀明改先賢景泰六年置博士

按先賢配享始唐元宗賜孔門弟子皆爲侯伯爵一體從祀並及蘧瑗林放二人宋真宗幸曲阜祀孔子命尙書溫仲舒分奠七十二賢明世宗詔去公侯伯之爵其十哲以下及門弟子皆稱先賢某子公羊穀梁以下皆稱先儒某子之位清因之增祀縣廩牧皮樂正子公孫丑萬章公都子六人

按宋理宗詔取朱子論語孟子集註大學中庸章句或問頌之大學詔朕曰惟孔子之道自孟軻後不得其傳至我朝周敦頤程顥程頤真見實踐深探聖域千載絕學始有指歸中興以來又得朱熹精思明辨使大學中庸之書本末洞澈孔子之道益以大明於世今視學有日其令學宮列諸從祀以示崇獎之意

東廡先儒三十九位

公羊氏<sup>高</sup> 周末齊人受春秋於子夏作傳至漢景帝時董仲舒以春秋顯於朝傳至何休作解詁其學盛行唐貞觀二十一年祀

伏氏<sup>勝</sup> 字子賤山東濟南人秦焚書時勝爲博士獨壁藏之漢定天下勝求其書得二十九篇以教於齊魯間文帝聞而召之勝年老不能行使晁錯徃受之復口授令

幼女傳言卽今古文尚書置鄒平學士唐貞觀時祀

毛氏亨魯人作詩訓詁以授趙人毛萇作小序故曰毛詩

亨爲大毛萇爲小毛同治二年祀

孔氏安國字子國孔子十一世孫漢諫議大夫博覽經傳

學無常師魯恭王得孔壁所藏古今書皆蝌蚪文字安國考論文義合伏生所誦成五十八篇作傳至東晉梅

躋始奏上齊建武中乃立學宮唐貞觀二十一年祀

毛氏萇字長公漢趙人爲河間獻王博士每說詩獻王悅

之因取詩傳加毛字以別齊魯韓三家之詩傳後毛詩

獨立學宮唐貞觀時祀

松陽縣志

卷四

學校

位次

二九

杜氏子春字時元漢河南緱人氏通周官秦始皇時周禮

禁絕不傳至漢劉歆表而出之周禮始著子春受業於

歆能通其義因以教授鄉里唐貞觀時祀

鄭氏玄字康成東漢北海高密人始通京氏易公羊春秋

又從張恭祖受周書禮記左傳春秋等書從事馬融曰

質疑義所著詩禮論語孝經等論凡百餘萬言稱爲純

儒以侍中中郎將大司農徵俱不就唐貞觀時祀嘉靖

時改祀於鄉雍正時復

諸葛氏亮字孔明漢瑯琊陽都人漢末避兵南陽自比管

樂後歷仕至丞相封武侯受遺詔輔後主北伐曹魏前

後上出師表二卒於軍世稱三代以下一人諡忠武雍

正二年祀

王氏通字仲淹陳龍門人不仕隋爲學有大志上太平十

二策不見用著中說學者擬之魯論私諡文中子明嘉

靖九年祀

韓氏愈字退之唐河南修武人性明銳不詭隨爲文起八

代之衰後學經公指授者皆稱韓門弟子所著原道原

性等篇皆體備六經與孟子相表裏學者仰如泰山北

斗力排佛教以諫迎佛骨貶刺史官吏部侍郎封昌黎

伯諡文宋元豐七年祀乾隆二年置博士

松陽縣志

卷四

學校

位次

三十

胡氏瑗字翼之安定先生宋泰州海陸人教授蘇湖二州

訓人率以身先時尚詞賦二學獨立經義治事二齋以

敦實學著有易傳洪範解春秋口義門人述其言行錄

爲二卷官遷天章閣侍講諡文昭嘉靖九年祀

韓氏琦字稚圭宋相州安陽人年二十登進士第一爲定

州安撫使時念五代以來學校久廢從而葺舍宇課儒

生絃誦比之鄒魯後官至丞相封魏公追封魏王諡忠

獻咸豐二年祀

楊氏時字中立宋南劍將樂人從二程得河洛之傳著書

講學東南學者推爲程氏正宗著有三經義辨詔錄文

集號龜山先生官工部侍郎龍圖閣學士諡文靖宏治  
八年祀

謝氏

良佐

字顯道宋上蔡人元豐八年進士少時學於程  
門記問該贍對人稱前史不差一字與程頤別一年來  
見頤問其所進曰但去得一矜字頤歎其善學有切問  
近思之功所著有論語說與楊時同稱程門四先生道  
光二十九年祀

尹氏

焯

字彥明宋河南洛陽人莊敬篤實不欺暗室於六  
經之言耳順心得如出諸已受學於程伊川質直宏毅  
實體力行程子以魯許之著論語解及問答錄勅授和

松陽縣志

卷四

學校

位次

三一

靖處士除說書少監常少侍講待制侍郎等官雍正二  
年祀

胡字

安國

字康侯宋建甯崇安人強學力行以聖賢爲標  
準致知爲始窮理爲要時王安石廢春秋公終身潛心  
是書著春秋傳官寶文閣直學士諡文定追封建甯伯  
正統二年祀

李氏

侗

字愿中宋南劍人從羅仲素學朱子師事之嘗曰  
學問之道不在多言能潛心體認天理自見人欲自消  
號延平先生追諡文靖萬歷四十二年祀

呂氏

祖謙

字伯恭宋金華人學宗關洛心平氣和不立崖

異朱子稱其學如伯恭能變化氣質居家之政皆可爲法號東萊先生官國史院編修諡成改忠亮封開封伯景定二年祀

袁氏燮字和叔宋鄞縣人生而端粹專靜教諸生以反躬切已忠信篤實爲道本聞者悚然有得士氣益振初入太學與陸九齡弟九淵發明本心之旨及師事焉每言人心與天地一體精思以得之兢業以守之則與天地相似學者稱之曰絜齋先生官至顯謨閣學士晉贈少師諡正獻著有絜齋集毛詩經筵講義行世同治七年祀

松陽縣志

卷四

學校

位次

三三一

黃氏幹字直卿宋閩縣人志堅思苦受業朱子朱子因妻以女及朱子病革以所著書與之曰吾道之託在此號勉齋先生官朝奉郎諡文肅雍正二年祀

輔氏廣字漢卿宋慶源人師事朱子稱傳貽先生

何氏基字子恭宋浙江金華人少師黃勉齋窮伊洛之源著大學語孟太極通書西銘近思錄等書傳於世淳祐間以崇政殿說書徵不起諡文定雍正二年祀

文氏天祥字履善號文山宋廬陵人讀書尚氣節寶祐間舉進士第一官至右丞相不仕元從容受義衣帶中有贊曰孔曰成仁孟曰取義惟其義盡所以仁至讀聖賢



書所學何事而今而後庶幾無愧元主聞而歎曰文丞相真男子本朝將相皆不可及追諡信國道光二十三年祀

王氏柏 魯齋先生字會之宋浙江金華人從黃勉齋學得立志居敬之旨於學庸四書通鑑綱目標注精密作敬齋圖箴主麗澤上蔡兩書院諡文憲雍正二年祀

劉氏因 字夢吉元容城人事繼母孝卒諡文靖有靜修集  
陳氏澹 字可久號雲莊元江西都昌人潛心理學著禮記集說雍正二年祀

方氏孝孺 字希直明台州甯海人幼警敏讀書日盈寸長

松陽縣志

卷四

學校

位次

三三

從宋濂學恆以明王道致太平爲己任洪武年間以薦召除漢中府教授與諸生陳說道德講學不倦額其讀書之廬曰正學後官遷翰林侍講全節完名無忝綱常固爲有明之學祖所著有緱城集遜志齋集幼儀宗儀篇深慮論諸書行於世諡文正清康熙四十四年賜以忠烈明臣匾額同治二年從祀

薛氏瑄 字德温明山西河津人初受學於高密魏希諸人聞濂洛之傳嘗言自考亭以還斯道大明無須著作直須躬行有讀書錄二十卷皆自言所得時稱薛夫子官大理卿諡文清隆慶五年從祀

胡氏居仁 字叔心明江西餘干人爲學主忠信求放心以聖賢成始成終在於敬因以敬名齋著居業錄敬齋錄以布衣稱諡文敬萬歷十二年祀

羅氏欽順 字允升明尚書江西泰和人學遵程朱上溯孔孟攘斥異端嘗曰人立身居業必先打破義利之辨學者奉爲典型時稱整菴先生諡文莊雍正二年祀

呂氏柎 字仲木明高陵人正德進士第一授修撰累遷至南京禮部侍郎以窮理實踐爲主所著經義文集甚富吳楚閩越從者百餘人同治二年祀

劉氏宗周 字起東明山陰人讀書尊宋元明大儒爲宗著

松陽縣志

卷四

學校

位次

三四

述皆得力於朱子著人譜及人譜類記實証元賢之言行條分縷析最爲精密誠下學入德之門也家居布衣麤飯樂道安貧學者稱念臺先生官左都御史諡忠介道光二年祀

孫氏奇逢 字啓泰號鍾元明容城人萬歷舉人屢徵不就卜居百原山康節遺址也其鄉人皆從而化之家貧樂道北方之學者皆出於其門所著理學宗傳別出手眼年九十二卒道光八年祀

黃氏宗羲 字太沖號梨州明餘姚人學主窮經求實於史

張氏祥履 字考夫一字念芝浙江嘉興府桐鄉縣人明諸

生世居楊園村學者稱爲楊園先生著有楊園全書四十三卷祖述孔孟憲章程朱洵足羽翼聖經維持名教同治十年從祀

陸氏隴其

字稼書清浙江平湖人讀書期躬行實踐取大  
全諸書反復考訂自輯成書又輯性理大全大學衍義  
續文獻通考等書時有學入程朱之室文登韓柳之堂  
之譽官至御史諡清獻雍正二年祀

張氏伯行

字孝先號敬菴清儀封人其學以程朱爲主

湯氏斌

潛菴先生字孔伯睢州人清順治己丑進士官禮  
工二部尚書平日潛心性理學本程朱所著有洛學編

松陽縣志

卷四

學校

位次

三五

四卷能發明先儒之蘊奧乾隆元年追諡文正道光三  
年祀

顏氏元

字渾然號習齋清博野人學宗姚江有顏氏學記  
西廡先儒三十八位

穀梁氏赤

字應邵周末魯人受春秋於子夏作傳漢孝宣  
帝善穀梁說置博士穀梁之學始興唐貞觀二十一年  
祀

高堂氏生

秦末漢初人官博士禮經自秦焚書後散亡獨  
有傳禮十七篇卽儀禮高堂生能言之傳授至戴德戴  
聖言禮者皆宗之唐貞觀時祀

董氏仲舒字寬夫漢廣川人少治春秋爲博士舉賢良對

天人三策具有儒者氣象所著皆經濟之學上疏條教  
凡百餘篇元至順元年祀

劉氏德漢景帝三子立爲河間王修學好古諡曰獻

后氏蒼字近君漢山東兗州人爲博士受禮於高堂生後  
在曲臺校書說禮數萬言授梁人戴德及戴聖西漢時

后與二戴禮並立學宮明時考求古禮以蒼爲禮之宗  
嘉靖九年祀

許氏慎字叔重後漢召陵人博學經籍作說文解字

趙氏岐字邠卿後漢長陵人有孟子章句三輔決錄

松陽縣志

卷四

學校

位次

三六

范氏甯字武子晉鄆陵人少爲學多所通覽爲簡文帝餘  
杭令興學校養生徒潔已修禮遷臨淮太守多所獻替  
有益政治著穀梁集解唐貞觀時祀嘉靖改祀於鄉雍  
正時復

陸氏贇字敬輿唐嘉興人少孤特立不羣勵志勤學年十  
八成進士中宏辭拔萃德宗時爲翰林學士帝常以輩  
行呼而不名官至中書侍郎在朝論諫甚切一本於仁  
義諡宣所著有奏議翰苑文集行世道光六年祀

范氏仲淹字希文宋江南吳縣人學主忠信志以天下爲  
己任其立朝皆聖賢事業多社稷功世稱希文宋代第

一人物也官至參政宣撫使諡文正康熙五十四年祀

歐陽氏修字永叔宋廬陵人文章德業海內宗師自號六

居士官參政諡文忠明嘉靖九年祀

司馬氏光字君實宋陝西夏縣涑水鄉人孝友忠信恭儉

正直生平所爲無不可對人言誠心敬信人化其德不

喜佛老居政悉除安石惠卿所建新法有旋乾轉坤之

功官至尙書左僕射封溫國公配哲享宗諡文正咸淳

三年祀

游氏酢字定夫宋建陽人與楊時立雪程門稱廬山先生

呂氏大臨字與叔宋汲郡人與游酢等號程門四先生

松陽縣志

卷四

學校

位次

三七

羅氏從彥字仲素宋沙縣人篤志求道聞龜山得程氏學

往從之絕意進取朱子謂龜山倡道東南從遊甚眾然

潛心力行任重詣遠者仲素一人而已號豫章先生諡

文質所著有尊堯錄行於世隆慶六年祀

李氏綱字伯紀宋邵武人政和二年第進士宣和初爲起

居郎累贈太師衛國公諡忠定所著有易傳內外篇論

語詳說詩文奏議咸豐元年祀

張氏棫字敬夫宋漢川棉竹人浚之子少穎悟夙成以聖

賢自期居官在先正禮俗明倫教著有論孟說太極圖

說諸書學者稱南軒先生官吏侍知江陵府諡宣景定

二年祀

陸氏九淵

字子靜宋金溪人生而穎異讀書至上下四方  
曰宇徃古來今日宙忽大悟曰宇宙內事乃已分內事  
言論感激聞者興起號象山先生官荆門知軍諡文安  
嘉靖九年祀

陳氏淳

字安卿宋漳州龍谿人朱子守漳時淳游門下朱  
子曰南來吾道得一安卿生平無書不讀無物不格著  
論孟學庸口義等書官安溪主簿號北溪先生雍正二  
年祀

真氏德秀

字景元宋建州浦城人四歲受書過目成誦立

松陽縣志

卷四

學校

位次

三八

朝著直聲時禁大儒書公力以斯文自任講習服行正  
學復明著大學衍義號西山先生官知制誥拜叅政諡  
文忠明封浦城伯正統二年祀

蔡氏沈

字仲默宋建陽縣人西山子師事朱子著書傳與

洪範皇極內篇頒行學宮諡文正明封崇安伯正統二  
年祀

魏氏了翁

字華父宋四川邛州浦江人築室城西白鶴山  
下從遊甚衆著九經要義百卷訂定精密發先儒所未  
發官吏尚端明學士福州安撫贈秦國公諡文靖雍正  
二年祀

趙氏復 江漢先生字仁甫宋德安人不仕元時姚樞建太極書院於燕京延復爲師程朱之學未至北方自是得名士多人乃收集河洛諸書河朔始知道學雍正二年祀

金氏履祥 字吉甫宋金華人少從學何基王柏得朱子之傳宋末絕意進取作通鑑前編語孟大學諸經各有註疏號仁山先生宋以史館編修召未用諡文安雍正二年祀

陸氏秀夫 字君實宋楚州鹽城人讀書明大義嚴氣正性嘗與同僚宴集坐尊俎間矜莊終日時君臣播越海濱

松陽縣志

卷四

學校

位次

三九

每朝會儼然正笏立如治朝尋負宋末帝赴海死官至左丞相咸豐九年祀

許氏衡 字仲平元河南河內縣人七歲授章句過目不忘長刻志墳典旁求精核一言一行必質之書後以道學名世號魯齋先生官集賢學士國子祭酒諡文正封魏國公皇慶二年祀

吳氏澄 字幼清元江西崇仁人幼以聖賢自期篤志好學杜門著述號草廬先生官翰林學士諡文正正統八年祀嘉靖九年罷乾隆二年復

許氏謙 字益之元浙江金華人聞金仁山道學徃從之以

求聖賢之心教人以五常人倫爲本變化氣質爲先景從者皆以不及門爲耻及卒門人題其墓曰白雲先生諡文敏雍正二年祀

曹氏端

字正夫號月川明河南澠池人自幼不妄言動心通五經遠有端緒得元人謝應芳辨惑編讀而悅之故於世俗通行之說毅然不動生平以力行爲主守之甚確其言事事都於心上做工夫是入孔門之大路誠哉所謂有本之學也所著夜行燭一書有裨人倫日用之事辨太極圖說識解詳明薛文清有日光飛鳥之喻永樂間登乙榜第一授山西霍州學正私諡靜修咸豐十

松陽縣志

卷四

學校

位次

四十

年祀

陳氏

獻章

字公甫明廣東新會人舉孝廉官翰林檢討尋歸隱白沙德器純粹有舞雩陋巷風號白沙先生諡文

恭萬歷十二年祀

蔡氏

清

字介夫明福建晉江人飭躬勵行動準古人著有四書易經蒙引皆推原朱子之意嘗言虛者聖賢所以成始成終因名其齋曰虛齋著虛齋文集稱虛齋先生官國子祭酒諡文莊雍正二年祀

王氏

守仁

字伯安明餘姚人生平講學以良知教人自信質諸千聖不謬更喜朱子先得我心之所同所過處必



立書院開講海內稱陽明先生著傳習錄則言封新建  
伯諡文成萬曆十二年祀

呂氏坤字叔簡號新吾明河南甯陵人少時資質魯鈍讀書不能成誦惟澄心體認久之了悟入目卽不忘年十五讀性理書欣然有會作夜氣鈔擴良心詩一生孜孜講學多所自得其立朝遇國家大議持正不爲首鼠自有大臣風度官刑部侍郎道光六年祀

黃氏道周字幼元號石齋明福之鎮海衛人家貧時挾策遠游讀書羅浮山山水暴漲墮澗中溯流而入得遇異人授以讀書之法過目不忘自是講究聖賢之學辨別

松陽縣志

卷四

學校

位次

四一

性理獨具卓識深得大學格致工夫官武英殿大學士  
吏部尙書諡忠端道光五年祀

王氏夫之字而農清衡縣人學宗漢宋諸儒稱船山先生  
陸氏世儀字道威清太倉人博洽無所不通稱文潛先生

顧氏炎武字寧人號亭林明崑山人學主博學有恥

李氏璵字剛主號恕谷清蠡縣人師顏元學以實用爲主  
謹案歷朝位數唐貞觀時從祀共二十二位開元時十  
哲二十一經儒外增祀七十三賢宋咸淳中定兩廡一  
百有四位明會典九十五位正統元年定一百有九位  
清康熙時九十七位雍正初議定一百二十三位乾隆

三年升有子仍增吳澄以足其數道光二年至二十九年增八位咸豐元年至十年增六位同治二年增三位七年增一位十年增一位共一百四十一位同治十年後至光緒增十三位民國增二位今一百五十七位並四配十二哲共一百七十二位

崇聖祠正殿中位

肇聖王木金父公

孔子五世祖中

裕聖王祈父公

孔子高祖左

詒聖王防叔公

孔子曾祖右

昌聖王伯夏公

孔子祖左

松陽縣志

卷四

學校

位次

四二一

啓聖王叔梁公

孔子父次石

孔子之先宋微仲後數傳至襄公熙熙生弗父何及厲公方祀何遜國於弟厲公自後世爲宋卿三傳至正考父考父生孔父嘉五世親盡別爲公族後遂以孔爲氏孔父嘉生木金父木金父因父遇禍逋於魯遂爲魯人木金父生祈父一名鞏夷祈父生防叔防叔生伯夏伯夏生叔梁紇爲陬邑大夫宋真宗時追封聖父爲齊國公稱啓聖公與魯國太夫人同遷殿後立廟奉祀元至順中加封王仍崇祀於大成殿西明嘉靖九年令國子監及郡縣學均建祠通祠名啓聖祠清雍正元年追封

五代爲王改名崇聖祠二年八月初三安設神位昭穆制度悉由欽定同廟異龕皆南向昭穆約前尺許次昭次穆更前尺許從外觀之五室並齊從內觀之淺深各殊尊卑自別

東配三位

孔氏孟皮 孔子兄有足疾生子忠咸豐七年配

曾氏點 字子皙曾子參父以狂稱唐贈宿伯開元二十七年從祀兩廡宋改萊蕪侯明嘉靖九年配

孟孫氏激 字公直孟子軻父魯公族孟孫後世居於鄒爲鄒人元延祐三年封邾國公明嘉靖九年配

松陽縣志

卷四

學校

位次

四三

西配二位

顏氏無繇 字季路顏子回父少孔子六歲孔子始教而受學唐贈杞伯從祀兩廡宋改曲阜侯元加杞國公明嘉靖九年配

孔氏鯉 字伯魚孔子子年五十先孔子卒宋崇甯中加泗水侯咸淳三年祀兩廡明嘉靖九年配

謹按正統三年裴侃請加伯魚子皙公爵與孔顏父俱配啓聖殿帝下禮部行之仍議加封據此則四配已定於正統時非始於嘉靖九年也

東廡三位

周氏輔成 字伯大周子敦頤父明萬曆二十三年祀

程氏珣 字伯温程子顥頤之父判南安軍時周敦頤為司

理珣與語知見道者因命二子受學明嘉靖九年祀

蔡氏元定 字李通蔡子沈父幼穎異長師事朱子朱子叩

其學大驚曰此吾老友也不當在弟子之列著洪範解

大衍解律呂新書世稱西山先生諡文節明嘉靖九年

祀

西廡二位

張氏迪 張子載父雍正二年祀

朱氏松 字喬年朱子熹父力學有俊才究心河洛宗旨成

松陽縣志

卷四

學校

位次

四四

大儒明嘉靖九年祀

按闕里志周氏列蔡氏之下以所入先後而悞明萬曆  
時河南巡按張志發奏請增邵子父邵古部議格而不  
行

學校志四

禮儀

祀典之舉每歲用春秋月上丁日行釋奠禮前期一日行省牲禮後詣明倫堂演禮進爵帛如祭禮正禮日承祭分獻陪祭各官入兩旁門序立引贊一人對引一人導承祭官自盥手處盥手畢引至臺階下立贊引贊就位唱舉迎神樂奏韶平之章贊跪叩興各官俱行三跪九叩首禮贊唱舉初獻樂奏宣平之章贊引導承祭官由東階上進殿左門詣孔子位案前立行一跪一叩首禮贊奠帛奠爵畢再行一跪一叩首禮興贊引贊詣讀祝位讀祝者捧祝板

松陽縣志

卷四

學校

禮儀

四五

立於案左樂止贊階下各官俱跪贊讀祝讀祝畢樂作贊叩興承祭官及各官行三叩首禮興贊詣復聖顏子位前立行一跪一叩首禮奠帛奠爵再行一跪一叩首禮興詣宗聖曾子述聖子思子亞聖孟子各位前獻帛爵如前儀其十二哲分獻官升殿奠帛獻爵如承祭官禮兩廡分獻官亦如承祭官禮贊各官復位樂止行亞獻禮舉亞獻樂奏秩平之章贊升殿獻爵於左復詣顏曾思孟四配前享爵俱如初獻儀其十二哲兩廡分獻官享爵如前贊各官復位樂止行終獻禮舉終獻樂奏叙平之章贊升殿享爵於右如亞享禮復位承祭官升殿至飲福舫位前立贊跪

贊飲福酒贊受胙承祭官皆拱舉授接三叩首興復位行  
謝福胙禮各官俱行三跪九叩首禮興徹饌舉徹饌樂奏  
懿平之章徹訖樂止送神舉送神樂奏德平之章各官俱  
行三跪九叩首禮興樂止唱捧祝饌各詣燎位捧祝者捧  
祝文在前帛次之捧饌者又次之俱送至燎位承祭官西  
旁立侯帛祝饌過仍復位立唱望燎舉望燎樂與送神樂  
同樂作詣望燎位導承祭官至燎位立祝帛焚訖樂止贊  
禮畢退

樂章

康熙年間頒

迎神奏昭平章云 大哉孔子先覺先知與天地參萬世

松陽縣志

卷四

學校

禮儀

四六

之師祥徵麟紱韻答金絲日月既揭乾坤清夷

初獻奏宣平章云 予懷明德玉振金聲生民未有展也

大成俎豆千古春秋上丁清酒既載其香始升

亞獻奏秩平章云 式禮莫愆升堂再獻響協鼓鏞誠孚

壘甌肅肅雍雍譽髦斯彥禮陶樂淑相觀而善

終獻奏叙平章云 自古在昔先民有作皮弁祭菜於論

思樂惟天牖民惟聖時若彝倫攸叙至今木鐸

徹饌奏懿平章云 先師有言祭則受福四海鬻宮疇敢

不肅禮成告徹毋疏毋瀆樂所自存中原有菽

送神奏德平章云 鳧繹毳毳洙泗洋洋景行行止流澤

無疆聿昭祀事祀事孔明化我蒸民育民膠庠  
春秋二祭詞同惟春季以夾鍾爲宮倍應鍾起調秋季  
以南呂爲宮仲呂起調如迎神大哉孔子春叶仄伏  
五秋配六凡上尺是也

祭時樂舞生首領執麾幡列於階下聽唱舞樂生就位各  
依次立於殿庭奏樂之所迎神奏樂無舞初獻奏樂有  
舞亞終皆同惟徹饌送神望燎亦奏樂無舞

### 正殿祝文

維年月日某官某致祭於

至聖先師孔子曰惟

松陽縣志

卷四

學校

禮儀

四七

先師德隆千聖道冠百王揭日月以常行自生民所未有  
屬文教昌明之會正禮和樂節之時辟雍鐘鼓咸恪  
薦以馨香泮水膠庠益致嚴於籩豆茲當仲春祇率  
彝章肅展微忱聿彰祀典以

復聖顏子

宗聖曾子

述聖子思子

亞聖孟子配

### 崇聖祠祝文

維年月日某官某致祭於

肇聖王

裕聖王

詒聖王

昌聖王

啓聖王曰惟

王奕葉鍾祥光開聖緒盛德之後積久彌昌凡聖教所覃

敷率循源而溯本宜肅明禋之典用申守土之忱茲

屆仲春秋聿修祀事以

先賢孔氏

先賢顏氏

松陽縣志

卷四

學校

禮儀

四八

先賢孔氏

先賢曾氏

先賢孟孫氏配

祭期 月用仲以時之正日用丁爲陰火文明之象清康

熙二十四年曾改用次丁今制仍用上丁遇素服日行

禮時衣祭服禮畢更素服定制行三跪九叩首禮

謹案舊志裡祀志內載明嘉靖九年改稱大成殿爲先

師廟撤塑像以木爲主稱孔子曰至聖先師孔子顏子

曾子子思孟子爲四配十哲以下稱先賢某子左邱明

以下稱先儒某子歲以春秋二仲上丁日致祭用幣三



羊二豕二犢一四配東西各用幣二羊一豕一十哲共  
用幣二豕二兩廡各用羊一豕一廡各三壇又於是年  
改定禮制較成化年籩豆各損其四樂用六佾清用天  
子禮增爲八佾祭器樂器部頒俱有定式然祭器未全  
樂舞不行至雍正九年學憲李清植始頒發祭樂二器  
一時禮舉樂作煥然大備矣

崇聖祠原爲啟聖祠雍正二年增封改建中祀  
五王以五氏配從祀五人歲以春秋二仲上丁日子夜致  
祭正位用幣一羊一豕一

以上叅錄舊志

松陽縣志

卷四

學校

禮儀

四九

新頒祀孔典禮

民國肇造事多變革謹將政事堂禮制館呈奉

大總統核准頒行祀孔典禮錄后

民國三年政事堂禮制館館長徐世昌謹呈爲擬訂祀

孔典禮呈請

鑒核事案准內務部移交卷內本年二月七日奉

大總統令據政治會議呈覆前奉諮詢祀孔典禮一案業  
經開會全體議決僉以爲崇祀孔子乃因襲歷代之  
舊典以夏時春秋兩丁爲祀孔之日仍從大祀其禮  
節服制祭品當與祭天一律京師文廟應由大總統

主祭各地方文廟應由該長官主祭如有不得已之  
事故得於臨時遣員恭代其他開學首日孔子生日  
仍聽各從習慣自由致祭不必特爲規定等因奉此  
查祀天通禮業由內務部呈奉

批准交禮制館通行遵照在案所有祀孔典禮禮制館  
既經成立自當廣續編纂謹案孔子之祀肇自漢初  
唐宋以降代致尊崇至明清而禮儀漸備光緒季年  
升列大祀今

大總統復令將此禮節服制祭品與祀天一律擬儀所以  
崇德勸學報禮於先聖者至矣惟事關創制曲說刪

而禮乃侑明祭在歆神至誠通而靈斯來格古者釋  
奠釋菜祭從其畧或有樂而無尸或用幣而無牲後  
世不察春秋上丁之祭率沿其稱揆諸典常應名曰  
祀其間儀文器數若眡割省盥必致嚴愼設懸合舞  
以奏休和水菹陸醢之備陰陽犧帛粢盛之昭誠潔  
古制所在茂矣美矣悉合仍之其餘上香望燎諸儀  
禮經所無概議從減至廟之稱文始於永樂孔子萬  
世師表道無不包僅以文名似嫌褊隘魯哀公立孔  
子廟於闕里其名最古援照改題較爲崇重而崇聖  
祠追祀孔子五代祖考暨配祀從祀諸賢儒又孔子

殿庭四配十二哲與兩廡從祀賢儒自應悉從其舊  
惟配哲賢儒各位之以諱姓諱名加旁書字者沿襲  
帝制於古無徵悉宜改書以歸質實經<sup>世昌</sup>等督飭  
吉禮主任編纂暨各分纂員悉心擬議起草成祀孔  
典禮一卷附說明書由總纂核定評議員議決復經  
<sup>世昌</sup>等詳細覆核凡所纂擬酌古準今舊典率循初  
非臆爲增損新儀式煥益堪表示人倫其開學首日  
孔子生日等祭謹遵

明令不爲規定聽從國人自由致祭用示崇祀之典純  
出於人民信仰之誠於宗教絕不相涉以杜詖說而

松陽縣志

卷四

學校

禮儀

五一

端軌步所有擬定祀孔典禮一卷附說明書理合具  
文呈請

大總統鑒核訓示施行謹呈八月二十六日奉

大總統批令准如所擬辦理卽由該館通行遵照此批

祀

孔子歲以夏時仲春仲秋兩上丁日

大總統親詣

孔子廟致祀

如不親祀則遣副總統或國務卿攝事

前祀三日齋戒散齋二

日致齋一日如祀

天儀

右齋戒

前祀一日昧爽執事官

凡執事官兩廡及崇聖祠司帛爵應由教育部酌派其

餘均由內務部酌派

潔蠲殿內外藉以櫻薦拂拭

神座張大次於大成門外之左殿上

正位籩豆案一其前俎一又前香案一皆南嚮

東配二龕西嚮

西配二龕東嚮籩豆案俎香案各二東序一龕西嚮西

序一龕東嚮籩豆案各六統設俎香案東西各一殿

中少西祝案一南嚮東尊桌一接桌一福胙桌一西

尊桌一接桌一均北嚮

松陽縣志

卷四

學校

禮儀

五二一

正位神龕東旁饌一南嚮

四配神龕北旁饌桌各一東西

哲位神龕北旁饌桌各一均東西嚮東廡

先賢四十位

先儒三十八位籩豆案三十有九

每案二位

統設俎香案各

二先賢先儒各一均西嚮西廡

先賢三十九位

先儒三十七位籩豆案三十有九

每案二位惟第二十三案先賢一位第三十

九案先儒一位

統設俎香案各二

先賢先儒各一

均東嚮廡內兩旁

各設饌桌一南北嚮門內之南各設尊桌一北嚮

崇聖祠正中五龕均南嚮籩豆案五香案五統設俎一東  
配一龕西嚮籩豆案三香案三西配一龕東嚮籩豆  
案二香案二俎統設東西各一

正位案旁東饌桌三西饌桌二

配位饌桌東西各一殿內少西祝案一南嚮東尊桌一  
接桌一西尊桌一接桌一東廡

先儒三位西嚮籩豆案二西廡

先儒二位東嚮籩豆案一俎統設東西各一香案一饌  
桌尊桌亦東西廡各一凡桌案均施紅緞桌衣

右供張

松陽縣志

卷四

學校

禮儀

五三

是日午後執事官大禮服敬書祝版

用白紙墨書版長一尺二寸廣

八寸潔室案奉遂詣宰牲所省牲眡宰宰人以鸞刀割  
牲遂戒具視滌漑辨籩豆簠簋之實以次展於饌所

右書祝版眡割戒具

將事之夕夜半執事官各率其屬入具器陳

正位籩豆案上爵墊一其前登一

實以太羹 鉶二 實以和羹 簠二 實以

稻 簋二 實以黍稷 籩十有二 實以鹿脯 白餅黑餅糗餌粉糝

豆十有二 實以韭菹醢醢菁菹鹿醢芹菹兔醢 俎實牛

一羊一豕一香案上設鑪一 焚以 燭臺二 然以

四配位每案爵墊一其前鉶二簠二簋二籩八

去白餅黑餅糗

餽粉 豆八去脾析豚拍 俎實羊一豕一香案上設鑪

燭臺二

十二哲位每案爵墊一爵三實以 釧一簠一實以 簋一

實以 籩四實以形鹽 豆四實以菁菹鹿 鐙二俎實羊

一豕一香案上設爵墊一鑪一燭臺二帛九正位一

哲位 尊四正位一配位 爵十有二設東尊桌接桌上

帛八配位二 尊三配位二 爵九設西尊桌接桌上

一實福酒并爵一盤一實胙肉均設東福胙桌上凡

帛皆色白

正位

松陽縣志

卷四

學校

禮儀

五四

四配異筐

十二哲東西共筐凡尊實酒承以舟疏布幕勺具東廡

每位爵一實酒 每案簠一簋一籩四豆四

先賢案前統設俎實羊一豕一香案上設鑪一燭臺二

先儒案前統設俎實羊一豕一香案上設鑪一燭臺二

尊桌上設帛二尊二皆先賢先 虛爵六筐幕勺皆具

西廡陳設同

崇聖祠正位每案爵墊一其前釧二簠二簋二籩十去糗

資 豆十去醢食 香案上設鑪一燭臺二又前統設一

俎實牛一羊一豕一

配位每案爵墊一其前簠一簋一籩四豆四香案上設  
鑪一燭臺二又前東西各統設一俎實羊一豕一東  
尊卓接桌上設帛六尊六皆正位配爵十有八西尊  
卓接桌上設帛四尊四皆正位配爵十有二兩廡每  
位爵一酒實每案陳設簠簋籩豆如  
配位之數東西統設俎各實羊一豕一俎前香案上各  
設鑪一燭臺二尊桌上各設帛一尊一虛爵三篚冪  
勺皆具凡登劔簠簋皆用銅籩用竹豆用木篚用竹  
俎用木爵

正位三爵用玉餘皆用銅設洗於大次之外司樂設樂懸

松陽縣志

卷四

學校

禮儀

五五

於殿外兩階鑄鐘一編鐘十有六在東特磬一編磬  
十有六在西皆懸以虞業東應鼓一祝一麾一西敵  
一東西分列琴六瑟四簫六籥六篴四排簫二塤二  
笙六搏拊二旌四節四千戚羽籥各六十有四又設  
洗於

崇聖祠階下之東如式

右陳

陳設畢執事官引內務部次長一人入

廟恭詣

大成殿周省盥盛及籩豆登劔之實次詣兩廡省畢引詣

崇聖祠正殿及兩廡省眡如儀

右省齋

辨行禮位殿門外階上正中為

大總統拜位階下甬道左右為分獻官拜位正殿分獻

官六人在前兩廡分獻官四人在後均北嚮其南為

陪祀官拜位特任官在前簡任薦任官在後亦北嚮

重行異等東位西上西位東上凡分獻官及陪祀官之特任簡任者先期

由政事堂開單呈請大總統選派薦任者由政事堂及各部院長官選派各四人教育部直轄學校校

長由教育部長官選派二人辨執事位殿上司祝一人立祝案西

東嚮司帛四人司爵四人皆正位一配位二哲位一捧福胙二人

松陽縣志

卷四

學校

禮儀

五六

立東案之東西嚮司帛三人司爵三人皆配位二哲位一接

福胙二人立西案之西東嚮侍儀內務總長教育總

長大禮官平政院長肅政廳都肅政史分立東西

案之南東西嚮均北上階上贊引對引各一人侍從

武官二人分立

大總統拜位左右東西嚮典儀一人立殿左門外西嚮

內史一人立殿右門外東嚮攝事則不設侍儀內史及侍從武官位其

南司樂一人東上西嚮樂工歌工樂舞生文武八佾

於階上樂懸東西序立階下分贊十人東立於分獻

官之右西嚮西立於左東嚮其南糾儀肅政史二人



傳贊二人分立陪祀百官拜位之次東西嚮司燎一人率燎人立於燎爐之隅兩廡司帛爵共八人每一統設案分立二人南北嚮承祭

崇聖祠官拜位在階上正中分獻官四人拜位在階下贊引一人立承祭官拜位左東嚮分贊四人分立於分獻官左右讀祝位在殿中門檻內均北嚮司祝典儀司燎各一人正殿司帛爵各十人各正位五東配位三西配位二兩廡司帛爵每統設案二人立位與義儀同

右辨位

是日昧爽陪祀各官豫集恭蒞

松陽縣志

卷四

學校

禮儀

五七

大總統乘禮輿至廟門外降輿右贊引左對引導由櫺星左門入進大次大禮官一人侍從武官二人從進  
大總統具祭服侍從官奉盥奉帨巾盥畢司祝以祝版

大總統恭閱署名司祝進奉於祝案

右就次盥洗閱祝版

鼓初嚴典儀贊執事官就位執事官各就位再嚴然燭焚香三嚴大禮官請

大總統行禮

大總統出大次侍從武官隨侍

凡升階進殿均隨侍其餘護從均至從階下止

立  
大禮官進立殿左西嚮贊引對弓導

大總統由大成門左門入升午階就位北嚮立分贊引  
分獻官傳贊引陪祀文武百官均於甬道左右就位  
北嚮序立典儀贊樂舞生就位執事官各司其事陪  
祀官各就位

右就位

典儀贊闢戶闢戶訖贊迎

神贊者承傳以下凡典儀有詞贊者皆承傳司樂舉麾贊舉迎

神樂奏昭和之章凡樂作止舞進退均司樂執麾引之樂作贊引贊四拜

大總統四拜傳贊贊衆官皆拜眾官在位者皆四拜司

松陽縣志

卷四

學校

禮儀

五八

樂偃麾工夏敵樂止凡樂以舉麾鼓祝作偃麾夏敵止下同

右迎

神

典儀贊奠帛爵行初獻禮司帛爵奉帛筐揭尊罍勺

挹酒實爵以進司樂贊舉初獻樂奏雝和之章樂作

樂工舉節舞干戚之舞凡舞以節領之導引進退後同贊引贊詣奠

帛獻爵位導

大總統進殿左門凡大總統進出均由殿左門下同詣奠帛獻爵案前

正立贊獻帛司帛進筐

大總統受筐拱舉司帛奠於案正中贊獻爵司爵進爵

大總統受爵拱舉司爵奠於墊中退贊復位導

大總統仍由殿左門出復拜位立左右司帛爵各奉筐實爵進至

四配

十二哲位前立兩廡司帛爵各奉筐實爵詣

先賢

先儒位前立分獻官各就案前受帛爵拱舉司帛爵獻於案上退司祝就祝案前立贊引贊詣讀祝位導

大總統進殿詣讀祝位正立樂暫止典儀贊讀祝司捧祝立

松陽縣志

卷四

學校

禮儀

五九

大總統左讀祝讀畢

大總統拱舉司祝奉祝版安於筐退樂復作贊引贊復位導

大總統復拜位立贊四拜

大總統四拜傳贊贊衆官皆拜眾官皆四拜樂止武功之舞退文舞執羽籥進

右初獻讀祝

典儀贊行亞獻禮司爵執爵以進司樂贊舉亞獻樂奏熙和之章樂作舞羽籥之舞贊引贊詣獻爵位導大總統進殿詣獻爵案前奠爵於左

四配

十二哲兩廡隨分獻如初復位樂止

右亞獻

典儀贊行終獻禮司爵執爵以進司樂贊舉終獻樂

奏淵和之章樂作

舞與亞獻同

贊引贊詣獻爵位導

大總統進殿詣獻爵案前奠爵於右

四配

十二哲兩廡隨分獻如亞獻儀復位樂止文德之舞退

右終獻

典儀進至殿東西嚮立贊賜福胙

攝事亦得受福胙如儀

退贊

松陽縣志

卷四

學校

禮儀

六十

引贊詣飲福受胙位導

大總統進殿詣飲福受胙位正立捧福胙官就東案捧

福胙祇立

大總統之右接福胙官祇立於左贊飲福酒右官進福

酒

大總統受爵捧舉授左官贊受胙右官進胙

大總統受胙拱舉授左官贊引贊復位導

大總統復拜位立贊引贊四拜

大總統四拜傳贊贊衆官皆拜眾官皆四拜典儀贊徹

饌司樂贊舉徹饌樂奏昌和之章樂作司爵進徹籩

豆各一少移故處樂止

右受福胙徹饌

典儀贊送

神司樂贊舉送

神樂奏德和之章樂作贊引四拜

大總統四拜傳贊贊眾官皆拜眾官皆四拜樂止

右送

神

典儀贊奉祝帛送燎祝司奏祝司帛奏篚司爵奉酒

饌

豫設饌盤略取篚籩豆之實置盤內以備送燎

以次由中道出恭送燎

松陽縣志

卷四

學校

禮儀

六一

爐

大總統轉立拜位旁西嚮俟祝帛過仍復位

四配

十二哲兩廡帛饌均送焚燎分贊引分獻官退傳贊引

陪祀文武百官退立拜位東西樂作典儀贊闔戶闔

戶訖贊禮成大禮官導

大總統入大次樂止更衣歸府眾官皆歸

右禮成

崇聖祠同時遣官致祭贊引引承祭官入祠垣右門詣階

下盥手分贊引分獻官隨入典儀贊執事官各司其

事贊承祭官就位引承祭官分獻官各就位北嚮立  
典儀贊闢戶闢戶訖贊迎

神四拜承祭官分獻官皆四拜贊奠帛爵行初獻禮贊引

贊就奠帛爵位引承祭官入殿右門

凡承祭官進出皆由右門下同

詣

肇聖王位前正立司帛奉篚承祭官受篚拱舉奠於案司

爵奉爵承祭官受爵拱舉奠於塾中以次詣左右

正位前奠帛獻爵儀同贊引贊詣讀祝位引承祭官詣讀

祝位正立司祝奉祝立案左讀祝讀畢奉祝版安於

篚贊引贊復位引承祭官出殿右門復位典儀贊四

松陽縣志

卷四

學校

禮儀

六一

拜承祭官分獻官皆四拜分贊引正殿分獻官入殿

左右門詣

配位前引兩廡分獻官分詣兩廡

從位前奠獻爵復位均如正獻儀亞獻各獻爵於左終

獻各獻爵於右均如初獻儀典儀贊徹饌徹饌畢贊

送

神四拜承祭官分獻官皆四拜贊奉祝帛送燎司祝司帛

司爵各奉祝帛酒饌以次送燎如儀承祭官避立西

旁俟過復位典儀贊闔戶闔戶訖贊禮成贊引引承

祭官仍由祠垣右門出分獻官隨出各退

右

崇聖祠祭儀

樂章

迎

神

奏昭和章辭曰大哉

至聖德盛道隆生民未有千禩是崇典則昭垂式茲辟雍

載虔簠簋載嚴鼓鐘工鼓祝

初獻

奏雝和章辭曰覺我生民陶鑄賢聖巍巍泰山仰止

松陽縣志

卷四

學校

禮儀

六三

景行禮備樂和豆籩嘉靜既述六經爰斟三正

亞獻

奏熙和章辭曰至哉

聖師克明明德木鐸萬年惟民之則清酒既醑言觀秉翟

太和常流英材斯植

終獻

奏淵和章辭曰猗歟

聖師納民物軌瞻之在前師表萬祀酌彼金罍我酒惟旨

登獻雖終弗遐有喜

徹饌

奏昌和章辭曰璧水淵淵芹芳藻潔旣歆

至聖亦儀前哲聲金振玉告茲將徹禮假有成日月昭揭  
送

神

奏德和章辭曰煌煌辟雍四方來宗甄陶樂育多士  
景從如土斯植如金在鎔懷仁抱智俗美時雍

大成殿祝文

維某年月日大總統某致祀於

至聖先師孔子曰惟

師覺世惟

松陽縣志

卷四

學校

禮儀

六四

聖則天樹人紀於千秋宏民胞於萬類文章則兼述作位  
育則致中和蓋江海深矣而其量安知雖文質判然  
而其道不替茲際上丁祇修舊典謹以犧帛粢盛式  
陳明薦配以

復聖顏子

宗聖曾子

述聖孔子

亞聖孟子尚

饗

崇聖祠祝文



維某年月日大總統名遣某官某致祭於

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公曰維

王育聖爲世作師功則著於人間德則垂於後裔凡聲教之所敷同其沾漑溯淵源之有自奉以馨香茲當上  
丁謹以庶品之儀致祭以

先賢孔氏

松陽縣志

卷四

學校

禮儀

六五

先賢顏氏


先賢曾氏

先賢孔氏


先賢孟孫氏配尚

饗


圖一 大成殿陳設及辨位




圖二 大成殿階上下陳設及辨位



圖三 兩廡陳設及辨位



圖四 崇聖祠陳設及辨位



各地方行政長官祀

孔子儀

各地方行政長官皆以歲夏時仲春秋兩上丁日廟

祀

至聖先師孔子獻官以巡按使主之

有故則代以道尹

四配以簡任官或薦任官

十二哲以薦任官兩廡以委任官各東西一人書祝版

眡割戒具陳設省盥以政務廳長糾儀以道尹

如道尹代

祭則糾儀以縣知事

執事人以政務廳人員及地方員紳學校教員學生之嫻禮儀者選充在城文武官員委任以

松陽縣志

卷四

學校

禮儀

六八

上咸與祭散齋二日致齋一日祭前一日有司飭廟

戶潔掃殿廡內外供張如儀正獻官率執事人入廟

習儀樂舞諸生入廟習舞習吹祭之日行禮儀節均

與京師祀

孔子儀同惟正祭官出入殿門皆由右不由左

右祀儀

樂章

迎

神

奏昭和章辭曰大哉

孔子先覺先知與天地參萬世之師祥徵麟紱韻答金絲  
日月既揭乾坤清夷

初獻

奏雝和章辭曰永懷

明德玉振金聲生民未有展也大成俎豆千古春秋上丁  
清酒既載其香始升舞干戚之舞

亞獻

奏熙和章辭曰式禮莫愆升堂再獻響協鼗鏞誠孚  
壘甌肅肅雍雍譽髦斯彥禮陶樂淑相觀而善舞羽  
籥之舞

松陽縣志

卷四

學校

禮儀

六九

終獻

奏淵和章辭曰自古在昔先民有作皮弁祭菜於論  
思樂惟

天牖民惟

聖時若彝倫攸叙至今木鐸舞如亞獻

徹饌

奏昌和章辭曰

先師有言祭則受福四海鬻宮疇敢不肅禮成告徹毋疏  
毋瀆樂所自生中原有菽

送

神

奏德和章辭曰鳧繹峨峨洙泗洋洋景行行止流澤  
無疆聿昭祀事祀事孔明以化烝民以育膠庠

大成殿祝文

維某年月日某官某致祀於

至聖先師孔子曰維

先師德參化育道貫古今集羣聖之大成炳前知以垂憲  
天下爲公中國一人之量生民未有六經千載之心  
循宮牆而瞻富美入室升堂降俎豆而奉馨香先明  
後法茲當上丁祇率彝章肅展微忱聿將祀典以

松陽縣志

卷四

學校

禮儀

七十

復聖顏子

宗聖曾子

述聖孔子

亞聖孟子配鳴呼聲名所屆血氣莫不尊親光景常新  
禮樂明其裡祀尙

饗

崇聖祠祝文

維某年月日某官某致祭於

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公曰維

王垂裕後昆光開聖緒爲層冰之積水作大輅之椎輪旣

祖功宗德必有達人亦木本而水源不忘數典茲屆

上丁聿修祀事配以

先賢孔氏

先賢顏氏

先賢曾氏

先賢孔氏

松陽縣志

卷四

學校

禮儀

七一

先賢孟孫氏尙

饗

道尹縣知事祀

孔子儀

凡道尹縣知事每歲夏時春秋兩丁日各於其所駐

地方主

孔子廟之祀有故則各以其屬代分獻以屬官或公立學

校校長在城文武委任以上亦咸與祭書祝版眡割

戒具陳設省盥各以其屬官爲之糾儀則道尹以縣

知事縣知事以椽屬

崇聖祠正獻以屬官分獻以學校教員或地方員紳陳設

器數行禮儀節並同巡按使祭

孔子儀其與巡按使同城道尹及與道尹同城之縣知事

不另致祭



學校志五

宦鄉四祠

名宦祠 在學宮戟門東祭用春秋二仲上丁日祭儀羊

一豕一籩豆各四祀

宋

縣令陳俊卿

元

縣令赤蓋顯忠

縣令買住

縣令方明安

松陽縣志

卷四

學校

四祠

七三

縣令孫德潤

明

知縣石驥

知縣劉琬

知縣唐恩

知縣魏良弼

知縣張賀

知縣萬鵬

知縣張繼桂

教諭林漢恭

教諭鄧義

教諭歐陽烈

教諭袁埴

訓導陸鏊

清

知縣張景留

康熙四十九年合庠  
呈請學院吳入祀

巡撫范承謨

謚忠貞  
十年公請增祀

巡撫朱昌祚

謚勤愍  
十年公請增祀

提督塞理白

康熙三十年  
公請增祀

總督李之芳

康熙四十年  
公請入祀

松陽縣志

卷四

學校

四祠

七四

總督郭世隆

總督王隲

按察使楊宗仁

鄉賢祠 在戟門西祭儀同名宦祠祀

宋

沈晦

項安世

王光祖

程榆

程樟

王唐珪

蕭必強

元

王文煥

練魯

明

王景

葉希賢

項民彝

盧璣

松陽縣志

卷四

學校

四祠

七五

詹雨

毛仲

包麟

毛文邦

王詔

名宦鄉賢二祠非實有表見卓卓可紀者不與誠慎之也誠重之也凡列諸祠者考其行誼模楷常存跡其芳踪風徽未泯憑祠宇以增輝式俎豆於罔替庶高賢不致湮沒而聞者亦莫不興起焉

以上舊志

景賢祠 舊名四賢祠在鄉賢祠前崇禎六年建祀

本府通判署知縣許有寰

知縣楊應華

本府通判署知縣葛永振

邑宦葉以章歲以春秋二仲儒學致祭後又移明知縣魏良弼於內改稱景賢祠其祀田十二畝租九石儒學收管辦祭現以城北半處隴邊田大小六坵額貳畝貳分伍釐上馬石田一小坵額貳分伍釐共額貳畝伍分計租叁擔歸孔廟奉祀官收租辦祭其餘撥歸城東新設魏公祠董事收管另辦祭胙

昌文祠 卽土地祠在名宦祠前祀

松陽縣志

卷四

學校

四祠

七六

韓文公每逢春秋丁祭畢卽日致祭定制行二跪六叩首禮

學校志六

書院

附義學田

明善書院向在舊市者久廢後建在城東乾隆十五年知縣陳朝棟詳准捐俸購買詹姓房屋改建合邑紳士公捐協造又將原存學田及廢寺田詳准撥入書院收租為延師修脯及膏火之資

陳朝棟自有記載藝文

咸豐戊午及辛

酉兩次寇至院宇被毀同治六年知縣徐葆清倡捐置買城北天后宮之東葉姓房屋大牆門內前後兩堂及左右各房四圍以牆為界大門前路南勸捐鄭姓菜園地基開八字牆較城東舊宇尤為寬廣此項田租現已

松陽縣志

卷四

學校

書院

七七

撥充宣講所經費其土名坵額舊志載明今刪之

朱子祠義學在明善書院之西乾隆十九年知縣黃槐捐俸建為童蒙義學中奉朱子神位左右列理學葉夢得等十一位以配享之嘉慶初棟宇傾圯至丁丑由邑紳士勸捐重建並於祠後購屋園漆造紫陽書院延師訓課生童續勸捐田陸百餘畝每年擇董輪管以租息為文武鄉會試路費又另建祠於舊市鎮一體奉祀祠內另有義錄刊發分存現此田已撥作教育補助費僅由各捐戶後裔稟留餘產聯為朱子祝敬會於每年九月十五日誕辰設祭慶祝以誌不忘而已

舊儒學田明嘉靖三十六年知縣黃美中置田叁畝隆慶六年知縣楊維新置田二百畝

何鏜記  
載藝文

按松陽訓導孟稱舜置田記云松學舊無田克一楊侯取廢寺觀田貳頃爲學田迨萬歷十一年以此田陸拾畝零易今學基址存田壹頃肆拾叁畝零余復捐買署學孫煥新墾廢觀荒田助之合貳頃有奇是建置學田始於楊公而孟公實成之也田歸學中收租爲兩學師飯米及諸生季考月課之資餘給諸生中貧乏者歲以爲常年既久遠田坵無從查考更有胥役同佃人逐漸侵漁今存田僅肆拾畝零額糧編壹都明倫庄儒學戶

松陽縣志

卷四

學校

書院

七八

學租以一件文廟攸關等事歲底奏銷此田現已撥充成淑女學校經費土名坵圖租額詳載舊志

文昌閣  
文昌祠

田土名坵額載舊志

魏公祠祭田土名坵額載舊志案此田向歸儒學收租歲爲修理辦祭之資計舊撥田貳頃餘所存不過肆分之一尚有景賢祠田玖畝土名坵段無從查考或昔有今失或卽在學田肆拾畝零之內不可知也

文運開義田乾隆二十三年知縣吳鳳章創立墾十五都金梁堰田貳拾伍畝十七都黃公渡下洋塔田捌畝立文運開戶完糧兩處沿河遞年被水經學師胡雲昂邱

學敏勸捐復墾惟下洋塔被水益甚開撥復冲歲乙巳  
學師陳琴川胡秉謙以童生附籍向有捐資送學此後  
勸令捐田入科舉項內爲文武童生縣試首場買卷之  
資餘爲鄉會試及拔貢路費由是歲科兩試附籍者均  
捐田立簿分交董事輪管以便稽查續因學師孫咸甯  
爭收此租董事公稟經邑侯韓清乾申詳奉藩憲批查  
此案以董事司其事學官核其成法良意美仍着董事  
秉公經理不必官爲吊核致滋煩擾等因飭遵在案咸  
豐辛酉寇至倉廩均被毀再擇董接管循章經理冀後  
董事秉公接管勿負前人創始至意斯足對合學而貽  
惠後人也現計田柒拾伍畝零內有田拾畝係沈寶林  
捐入爲文舉人在籍者收租如文舉均出仕仍歸文運  
開董事收租

文德田原係赤岸莊周廷瑞妻林氏捐田壹百拾叁畝零  
計租壹百肆拾担爲文武童生縣試頭場納卷之資每  
名計錢壹百貳拾捌文文童於出全案時計名數交禮  
房繳署武童計名數交兵房繳署不得預支如管理董  
事誤交惟經手是問另有義錄分存  
謹案以上書院義學及義學各田現均分撥改移物是  
人非今依舊志節存以資查考亦抱殘守闕之意爾

學校志七

鄉飲酒禮

鄉飲古禮也教孝教忠胥於是乎在浙中諸郡邑多舉行之松雖彈丸而煌煌鉅典張在令甲苟行之而不替將見秀者足以樹風聲頑者有以起觀感考而錄之使知此禮之委曲繁重非無爲也

鄉飲禮每歲以正月十五月初一爲期於儒學明倫堂行禮舉邑中致仕有德望者一人爲大賓年高有德者爲僕介爲庶賓或三五人不拘其序僕介次於大賓庶賓次於僕介府州縣正印官爲主學員爲司正先七日

出示使知某日行禮屆期來觀先五日主肅啟印官啟賓僕學員啟庶賓先一日習儀頒坐次於明倫堂賓主執事贊禮者皆集大賓位西北僕位東北介位西南庶賓位正西主位東南司正在主之後本日黎明宰牲具饌每案各五豆及期主人率僚屬司正詣學門遣使速賓介以賓至庠門執事報曰賓至門主人僚屬迎於庠門外主東賓西行過門闕三揖三讓而後升堂既升東西相向立贊者唱行兩拜禮賓坐執事又報曰僕至如前儀介庶隨僕而入如前向三揖皆坐執事唱司正揚觶就東楹盥所濯手洗爵執事引司正就西階升詣堂



中北向立賓以下皆立執事唱揖司正揖賓以下皆答揖執事者以觶酌酒授司正司正舉酒向北曰恭惟朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄弟恭內睦宗族外和鄉里無或廢墜以忝所生讀畢執事者唱司正飲酒飲畢以觶授執事者唱揖司正揖賓以下皆揖司正復位賓以下皆坐執事唱讀律令舉律令案於堂中賓主皆拱立贊者引讀者詣案北面讀曰大誥鄉飲酒禮序長幼論賢良別奸頑抑罪人其坐序間高年有德者居於上高年淳篤者並之以次序齒其有曾

違條犯法之人不許干與善良之席主者若不分別致使貴賤混淆察知發覺罪以違制奸頑違亂正席者全家移出化外讀畢復位執事者舉饌案至客前主人獻賓薦脯醢設折俎賓酬主人如之獻僎介僎介酬亦如之賓僎介庶子姪等許侍側酌酒工入升歌鼓瑟歌鹿鳴執事者唱飲酒供湯工歌四牡執事唱飲酒供湯工歌皇華執事唱飲酒供湯笙生奏南陔又奏白華又奏華黍詩歌魚麗笙奏由庚詩歌南有嘉魚笙奏由儀於是合樂奏關雎鵲巢又葛覃采芣又奏卷耳采蘋每詩先歌首章飲訖執事唱徹饌賓僎以下皆出位主偕僚屬居東賓以下

居西執事者唱北面謝恩各向北行三跪九叩首禮畢  
執事唱送賓以次下堂分東西行仍三揖出庠門而退  
賓興禮儀

凡值子午卯酉年例應起送赴科前三日縣具啟致各赴  
科生員至期設席大堂儀門外搭綵橋生員齊由橋進  
縣主出迎至橋賓由東階主由西階三揖三讓至堂上  
一揖分坐茶畢主告奠安席賓酬主荅拜入席飲席畢  
起辭向主一揖主各贈桂花一枝披紅鼓樂出送至橋  
生各乘馬出鳳臻門主送至門外仍各送酒三杯畢揖  
諸生上馬北行主乘輿歸詰朝諸生齊詣縣謝後治裝

松陽縣志

卷四

學校

鄉賓

八二

赴省三場畢揭曉歸家內有中式者將到縣具儀仗花  
紅出城迎送歸家次日具匾禮造門賀舉人隨詣縣謝

焉

以上  
舊志

謹案鄉飲之禮久已廢置賓興之禮自科舉停罷亦屬  
贅疣惟禮廢羊存猶足啟後人景仰之思姑存之以告  
來者